

# Borgmesterinut taakkulu aappaannut meeraannullu pensionisiaqartitsineq pillugu Namminersorlutik Oqartussat nalunaarutaat

Kommunit aqunneqarnerat pillugu Inatsisartut inatsisaat nr. 22, 18. november 2010-meersoq, Inatsisartullu inatsisaatigut nr. 6, 29. november 2013-imeersutigut allanngortinneqartumi § 67a, imm. 1, malillugu aalajangersarneqarpoq:

**§ 1.** Inuk 1. maj 2013 sioqqullugu borgmesteritut sulisoq nammineq pensionisanik pisinnaatitaavoq §§ 2-6-imi malittarisassat malillugit. Tamanna aamma atuuppoq inummut Kommunit aqunneqarnerat pillugu Inatsisartut inatsisaanni § 67a, imm. 3 malillugu §§ 2-6-imi malittarisassanut ilanngunneqarnissamik toqqaasimasumut.

*Imm. 2.* §§ 2-4-mi malittarisassat atorneqarpata piffissat inuup §§ 10 aamma 11-mi malittarisassanut ilanngunneqartut ilanngunneqarfisai isigineqassangillat.

*Imm. 3.* Inuup aapparisaa meeraaluunniit imm. 1-imut ilanngunneqartut § 7-imi malittarisassat malillugit aappaasumut meeraasumullu pensionisanik tunineqartussaapput.

## *Nammineq pensionisiat*

**§ 2.** Borgmesteriusimasumut nammineq pensionisiat pineqartup pensionisiaqalernissamut ukiui borgmesteritullu sulinermiit soraarnermi pensionisiaqaatigalugit akissarsiai malillugit aalajangersarneqarput.

**§ 3.** Nammineq pensionisanik tunniussinermi ikinnerpaamik ukiuni 8-ni atuuffeqarsimanissaq piumasarineqarpoq, taamaattoq takuuk imm. 4.

*Imm. 2.* Atuuffiusimasoq tassaavoq atuuffik pineqartup borgmesteritut suliffigisimasa. Borgmesteritut sulinermi arlalinni atuuffit katinneqassapput.

*Imm. 3.* Atuuffiusimasoq ukiunut ilivitsunut ukiunullu atuuffinnut aallartittunut naatsorsorneqarpoq.

*Stk. 4.* Borgmesteri napparsimaneq, nakorsap uppernarsaaneratigut borgmesteritut suliap isumaginissaanut akornutaasoq pissutigalugit kommunalbestyrelsimit akuerineqarluni atorfimminit tunuarpat atuuffiusimasoq qinigaaffik tamakkerlugu tunuarnissap tungaanut ilanngullugu naatsorsorneqassaaq.

**§ 4.** Borgmesterip pensionisiaqalernissaanut ukiui borgmesteritut atuuffia malillugu naatsorsorneqassaaq imaalillugu:

Atuuffik	Pensionisiaqalernissamut ukiut
Ukiut 8-nit 10-nut naatsorsorneqassapput.....	ukiunut 28-nut
Ukiut 10-nit 12-nut naatsorsorneqassapput.....	ukiunut 30-nut
Ukiut 12-nit 14-inut naatsorsorneqassapput.....	ukiunut 31-nut
Ukiut 14-init 16-inut naatsorsorneqassapput.....	ukiunut 33-nut
Ukiut 16-init 18-inut naatsorsorneqassapput.....	ukiunut 34-nut
Ukiut 18-init 20-nut naatsorsorneqassapput.....	ukiunut 36-nut
Ukiut 20-nit qummut naatsorneqassapput.....	ukiunut 37-nut

**§ 5.** Nammineq pensionisianik tunniussineq aallartissaaq siusinnerusukkut borgmesteriusimasoq 60-inik ukioqalerpat, borgmesteritullu sulinerminut ilaasortaajunnaarnersiutinik tunineqartarunnaarpat.

*Imm. 2.* Pensionisianik tunniussisarneq unitsikkallarneqartarpooq pineqartoq borgmesteritut qinerneqaqqissimappat.

**§ 6.** Nammineq pensionisiat Kalaallit Nunaanni tjenestemandinut malittarisassat atuuttut malillugit tunniunneqarfianni naatsorsorneqarlutillu akinut iluarsineqartarput.

#### *Aappaasumut meeraasumullu pensionisiat*

**§ 7.** Aappaasumut meeraasumullu pensionisiat Kalaallit Nunaanni tjenestemandinut malittarisassat atuuttut malillugit tunniunneqartarput.

*Imm. 2.* Taamaattoq aappaasoq aappaasumut pensionisianik nalunaarut manna malillugu pisinnaajuassaaq, borgmesteritut sulinerup kingornagut katissimagaluarpalluunniit. Assinganik meeqqat meeqlanut pensionisianik pisinnaatitaapput, borgmesteritut sulinerup kingornagut inungorsimagaluarpataluunniit.

#### *Pensionisiat il.il. naatsorsornerat tunniuneqarnerallu*

**§ 8.** Pensionisiat nalunaarut manna naapertorlugu imaluunniit borgmesterinut taakkuluunniit aappaannut meeraannullu pensionisiaqartitsineq pillugu malittarisassat atuuttut malillugit tunniunneqartut naatsorsornerat tunniuneqarnerallu kommunalbestyrelsimit kommunimi siusinnerusukkut borgmesterip kingullermik borgmesteritut suliffigisimasaani isumagineqarput.

*Imm. 2.* 1. januar 2009 tikillugu borgmesteri kommunimi borgmesteritut suliffeqarsimappat kommunimi kingullertut suliffigisimasami kommunalbestyrelsi borgmesteriusimasumut imaluunniit taassuma aappaanut meeraanullu pensionisiassanik naatsorsuissaq tunniussillunilu.

**§ 9.** Borgmesteritut nammineq pensionisiat kommunimut ataasiinnaanngitsumut tunngassuteqartut kommuninit pineqartunit tapitut tunniunneqassapput. Tamanna aamma atuuppoq aappaasumut meeraasunullu pensionisiat una nalunaarut malillugu tunniunneqartartussat.

#### *Inummut namminermut pensionisianut aaqqissuussinerit*

**§ 10.** Inunnut 1. maj 2013-mi kingusinnerusukkulluunniit borgmesteritut sulilersunut aamma Kommunitaqunneqarnerat pillugu lnatsisartut inatsisaanni § 67a, imm. 3 malillugu uani nalunaarummi §§ 2-6-imi malittarisasanut ilanngunneqarumanatik toqqaasimasunut pensionisianut aningasaateqarfimmik naafferartumik pensionisiat imaluunniit inuuneq naallugu pensionisiat aqqutigalugit Kalaallit Nunaanni nalunaarsorsimasumik inummut namminermut pensionisianut aaqqissuussinermik pilersitsoqassaaq.

*Imm. 2.* Pensionisianut aaqqissuussinerit, tak. imm. 1, pensionisianut aningasaateqarfimmik lnatsisartuni Naalakkersuisunilu ilaasortatut sulinermut atatillugu inummut namminermut pensionisianut aaqqissuussinernut atorneqartartumi pilersinneqassapput.

*Imm. 3.* Akissarsiat borgmesteritut sulinerup isumagineranut tunniunneqartartut 10 %-iinik imm. 1-imi pensionisianut aaqqissuussinermut taaneqartumut pensionisianut tapiissutinik ingerlaavartumik tunniussisoqartopoq. Ammattaaq akissarsiat borgmesteritut sulinerup isumagineranut tunniunneqartartut 5 %-iinik ingerlaavartumik uninngatitsisoqartopoq. Aningasat uninngatinneqartut borgmesterip nammineerluni imm. 1-imi pensionisianut aaqqissuussinermut taaneqartumut tapiissutigisartagaanut naapertuupput. Pensionisianut tapiissutit borgmesteritut sulinermi tunuarnerup kingorna ilaasortaajunnaarnersiutitut tunniunneqartartut assigalugit tunniunneqarlilltu uninngatinneqartarput.

*Imm. 4.* Inunnut imm. 1-mut ilanngunneqartunut kingusinnerpaamillu ullormi borgmesteritut sulinermermi 50-inik ukioqalersimasunutpensionisianut tapiissutinik imm. 3-mi taaneqartunik nalinginnaasumik aningasarsiatut akileraaruteqaataasussanik tunineqarnissi toqqarsinnaavaa.

**§ 11.** Kommunalbestyrelsip nakkutigissavaa borgmesterip § 10, imm. 1 malillugu pensionisianut aaqqissuussinermik pilersitsinissa. Pensionisianut aaqqissuussineq ulloq borgmesterip suliffimmini atuutilerfia aallarnerfigalugu pilersinneqassaaq. Taamatuttaaq borgmesterinut ulloq 1. maj 2013-imi imaluunniit kingusinnerusukkut suliffimmi atuutilersunut, pensionisianut aaqqissuussinerit siusinnerpaamik 1. januar 2014 aallarnerfigalugu pilersitsisoqassaaq.

*Imm. 2.* Borgmesterimut pensionisianut aaqqissuussineq pilersinneqarpat pensionisianut tapiissutit pensionisianut aningasaateqarfimmut akilerneqarnissaat kommunalbestyrelsimit isumagineqassaaq, tak. § 10, imm. 3. Borgmesteritut sulinerup isumagineranut akissarsiat tunniunnerat peqatigalugu qaammatikkaartumik tunniussisoqartassaaq.

#### *Atortuulersitsinermut aalajangersakkat*

**§ 12.** Nalunaarut 1. januar 2014-imi atuutilerpoq.

*Imm. 2.* Peqataanik Borgmesterit pensionisiaat soraarnerussutisiaallu qinigaajunnaarnersiutaallu aammalu taakkua aappaasa meeraasalu taakkuninnga pissarsisinnaaneri pillugit Namminersorlutik Oqartussat nalunaarutaat nr. 8, 24. maj 2012-imeersoq atorunnaarsinneqarpoq.

*Kalaallit Nunaanni Namminersorlutik Oqartussat, ulloq 30. december 2013*

/

Peter Hansen

**Namminersorlutik Oqartussat**

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut